

ON USELLIN

Oh, car el sò bel bocchin
cuu dolz de poresin.
On usellin ve disi,
on usellin quand el se dessedà...

E fiin... e foot
che el tacca a smoccolaa
i sò litaniù... de sott.

O bel bocchin
cuu dolz de poresin...
Coss'hinn sti nisciolitt,
sti benis, sti rosellin,
sto petà de passarin,
sti sloffi moresitt?

...e fiin ch'el fà el violin
(quand l'è tutta filada)
e foot-foot fà el contrabbass
(quand l'è tratteggiada)

De levà sù l'è giamò ora?
E mì che seri lì lì a ciappà
el barchett de Boffalora
e andaa anmò in sogn...

... e fiin... e foot...

O car ch'el sò bel bocchin
cuu dolz de poresin...
On usellin, ve disi,
on usellin quand el se dessedà...

(...Certi sveli, certi sveli
de fâ traa in pee i mort...)